



Inatsisartunut ilaasortaq Naaja H. Nathanielsen, Attaviitsoq

**GOSR pillugu § 37 naapertorlugu apeqquteqaammut nr. 2016-157-imut akissuteqaat**

Inatsisartut suleriaasianni § 37, imm. 1 naapertorlugu apeqqutit matuma kinguliani allassimasut Naalakkersuisunut saqqummiuppatit.

14. juli 2016  
Sagsnr. 2016-10791

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: mmr@nanoq.gl  
www.naalakkersuisut.gl

- 1. Naalakkersuisut Greenland Oil Spill Response A/S suliassai allanngortinniarpaat? imaluunniit Naalakkersuisut isumaqartuarsinnarpat suliffeqarfik niuernerpalaartumik ingerlanneqarsinnaasoq inatsisaasup § 1, stk. 4 tunngavigalugu?**

**Akissut:**

Maannakkorpiaq Greenland Oil Spill Response A/S-ip (GOSR) suliassaasa allannguuteqartinneqarnissaat pillugu pilersaaruteqartoqanngilaq. Ingerlatseqatigiiffiup siunertaa Greenland Oil Spill Response A/S pillugu Inatsisartut inatsisaanni nr. 4, 4. juni 2013-imeersumi § 1 imm. 4-5 naapertorlugit ingerlaannassaaq.

Taamaattoq maannakkut uuliasiornermut aatsitassarsiornermullu suliffissuaqarnermi ineriartorneq atuutsillugu, ingerlatseqatigiiffiup niuernermit tunngaveqartumik ingerlanneqarnissaa annertoorujussuarmik unammilligassaassasoq, GOSR-imi pisortaatit Naalakkersuisunut eqqumaffigeqquaat. Taamaattumik ingerlatsinermit periarfissanik allanik misissuiniarlutik Naalakkersuisut GOSR qanimut oqaloqatigalugu aallartipput. Nassuiaatip taassuma suliarineqarnerani Naalakkersuisoqarfii attuumassuteqartut tamarmik akuutinneqassapput.

- 2. Inatsit naapertorlugu Naalakkersuisut januarip aallaqqaataaniit 2016 suliffeqarfimmi piginneqataassutsit tuniniarsinnaalissavaat. Naalakkersuisut ilimagaat piginneqataassutsinik piserusuttoqarsinnaassasoq, imaluunniit Naalakkersuisut tamakkiisumik piginneqataassutsinik piginnittuujuarniarpat?**

**Akissut:**

Naalakkersuisut naliliipput, ingerlatseqatigiiffimmi aktiaatit ilaannik imaluunniit tamakkerlugit pisinissamut maannakkorpiaq namminersortunit soqutiginnittoqanngitsoq. Taamaattumik naatsorsuutigineqarpoq, Namminersorlutik Oqartussat aktiaatinik 100 %-imik piginnittuuginnassasut, piffissami qaninnerpaami taamaalluinnassalluni.

3. **Suliffeqarfiup pilersinneraniit ingerlatsinermut atugassanik aningaasanik atorniartoqarnikuua, ataatsimeersuarnerup kingorna? Taamaassimappat: Qanga piva sunalu siunertaralugu piva?**

**Akissut:**

Naamik - GOSR taarsigassarsingilaq.

4. **Aallaqqaataaniit siunertaavoq suliffeqarfiup ingerlanneqarnera aningaasalersorneqassasoq ilaasortaallunilusoq akiliuteqartarnikkut piginneqqaartullu isertitaasa suliaqarneranni isertitanit aalajangersimasunit.**
- a) **Suliffeqarfiup aningaasalersorneqarneranit qanoq angitigisoq ilaasortaallunilusoq akiliutigineqartunit aningaasalersorneqarpa?**
- b) **Suliffeqarfiup aningaasalersorneranut qanoq angitigisoq piginneqqaartut akiliuteqarneranit aningaasalersorneqarpa?**

**Akissut:**

- a) GOSR-ip annertunerpaartanut aningaasalersuineq, pisinnaatitsissummik pigisaqartut ingerlatseqatigiiffimmut akilertagaannit, pisartagaqarnermik aaqjissuussinermeersuupput. Assersuutigalugu 2015-imi pisinnaatitsissummik pigisaqartunit pisartagaqarnermik aaqjissuussineq, isertitanit tamakkiisunit DKK 4.645.801-inik annertussuseqartunit DKK 3.650.000-inik annertussuseqarpoq, taanna 80 % missaanik annertussuseqarluni.
- b) Tamatuma saniatigut 2015-imi pisinnaatitsissummik pigisaqartunit ingerlataqarnermut akiliutinik DKK 280.000 isertinneqarput, kiisalu nammineq kajumissutsiminnik uuliakoormik akiuiniartartunik tapersiineq, aamma pisinnaatitsissummik pigisaqartunit aningaasalersorneqartoq, DKK 364.322-inik naleqarluni. Taamaattumik 2015-imi kaaviiartitanut tamarmiusunut, pisinnaatitsissummik pigisaqartut DKK 4.294.322-inik aningaasalersuipput, 92 % missaannik annertussuseqartunik.

Kaaviiartitat sinneri pikkorissaanernik suliaarnerneersuupput aammalu siunnersortitut suliaqarnermit allaneersuullutik.

Isertitat tassani agguarsimanerisa, GOSR-ip pilersinneqarneraniilli agguarsimanerat, annertuumik takutippaa.

5. **Greenland Oil Spill Response A/S taamatut sulisoqarluni, ullutsinnitut suliaqarluni, aningaaserivinnit aningaasanik amerlanerusunik atorniartariaqarnani Landskarsiminngaanniilluunniit aningaalersorneqartariaqarnani ukiuni qassini ingerlannarsinnaasoq Naalakkersuisut ilimagaat?**

**Akissut:**

Ingerlatat maannakkutut annertussuseqartillugit aammalu sulisut maannakkutut amerlassuseqartillugit, Naalakkersuisut naliliipput, ingerlatseqatigiiffiup aningaasaatinik tioriaannarnik amigaateqalernissaa sioqqullugu, qaammatit 18-it missaanni ingerlatseqatigiiffik ingerlaqqissinnaasoq. Tamatumunnga uuliasiornermut aatsitassarsiornermullu suliffissuaqarnermi ineriartornerup pitsaannginnera, ingerlatseqatigiiffiit ikinnerusut, GOSR-imut pisartagaqarnermut aamma

ingerlataqarnermut akiliutinik akiliisalernerannik malitseqartoq, pissutaavoq.  
kisianni apeqqummut 1-imut akissuteqaammi oqaatigineqartutut, ingerlatseqatigiiffik  
piginnittut peqatigalugit aaqqiissutissanut periarfissat assigiinngitsut misissorlugit  
suliaqarpoq.

Inussiarnersumik inuulluaqqusillunga



Randi Vestergaard Evaldsen